

**БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ**

**ПРЕДСТАВНИЧКИ ДОМ**

Канцеларија секретара  
Комисије за спољну трговину и царине



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE**

**PREDSTAVNIČKI DOM/ZASTUPNIČKI DOM**

Kancelarija sekretara  
Komisije za vanjsku trgovinu i carine  
Ured tajnika  
Povjerenstva za vanjsku trgovinu i carine

---

Broj: **01/3a**  
Sarajevo, 5. 1. 2024.

**IZVJEŠTAJ O RADU  
KOMISIJE ZA VANJSKU TRGOVINU I CARINE PREDSTAVNIČKOG DOMA  
PSBiH ZA 2023. GODINU**

**Sarajevo, januar 2024. godine**

## **SADRŽAJ**

### **UVODNI DIO**

### **POGLAVLJE I. AKTIVNOSTI KOMISIJE**

#### **Odjeljak A. Zakonodavne aktivnosti**

#### **Odjeljak B. Izvještaji o radu, inicijative i drugi akti**

### **REZIME**

**IZVJEŠTAJ O RADU  
KOMISIJE ZA VANJSKU TRGOVINU I CARINE PREDSTAVNIČKOG DOMA  
PSBiH ZA 2023. GODINU**

**UVODNI DIO**

U Uredu sekretara Komisije za vanjsku trgovinu i carine Predstavničkog doma Parlamentarne skupštine BiH sistematizirana su dva radna mjesta, koja su u statusu državnog službenika, a to su: sekretar Komisije i stručni savjetnik u Komisiji.

Opisi poslova, kao opći i posebni uslovi za obavljanje poslova sekretara Komisije i stručnog savjetnika u Komisiji, regulirani su Pravilnikom o unutrašnjoj organizaciji i sistematizaciji radnih mjesta u Sekretarijatu PSBiH.

Komisija za vanjsku trgovinu i carine Predstavničkog doma Parlamentarne skupštine BiH (u daljnjem tekstu: Komisija) stalno je radno tijelo Parlamentarne skupštine BiH. Njena nadležnost propisana je članom 46. Poslovnika Predstavničkog doma Parlamentarne skupštine Bosne i Hercegovine (u daljnjem tekstu: Poslovnik Predstavničkog doma), („Službeni glasnik BiH“, br. 79/14, 81/15, 97/15, 78/19 i 26/20).

U skladu s članom 46. Poslovnika Predstavničkog doma, Komisija za vanjsku trgovinu i carine razmatra pitanja koja se odnose na:

- vanjskotrgovinsku politiku;
- sporazume o međunarodnoj trgovini;
- carinsku politiku;
- tarife, propise i zakone iz svoje oblasti;
- međunarodne obaveze Bosne i Hercegovine;
- odnose s međunarodnim trgovinskim institucijama i druga pitanja iz oblasti vanjske trgovine i carina.

Broj i struktura članova Komisije, dužnosti, organizacija rada, sazivanje sjednica, donošenje odluka, saradnja s drugim komisijama i tijelima, metoda rada, kao i procedure koje prate osnovne odredbe o zakonodavnim aktivnostima Predstavničkog doma regulirane su odredbama Poslovnika Predstavničkog doma.

U izvještajnom periodu Ured sekretara Komisije zaprimao je akte i materijale naslovljene na Komisiju za vanjsku trgovinu i carine Predstavničkog doma, upoznavao se s primljenim aktima i materijalima i pripremao za razmatranje na sjednici Komisije.

Ured sekretara Komisije pripremio je Izvještaj o radu Komisije za 2023. godinu i Prijedlog orijentacionog plana rada Komisije za 2024.

U Uredu sekretara Komisije uredno je i blagovremeno vršeno ocjenjivanje državnih službenika.

Ured sekretara Komisije je u izvještajnom periodu pripremio i obradio sve materijale za sjednice Komisije.

Konstituirajuća sjednica Komisije za mandatni period 2022 - 2026. održana je 28. 12. 2022, a prisustvovalo joj je sedam od ukupno devet članova.

Na konstituirajućoj sjednici Komisija je izabrala Zorana Tegeltiju za predsjedavajućeg, Slavka matića za prvog zamjenika predsjedavajućeg i Zukana Heleza za drugog zamjenika predsjedavajućeg Komisije.

Na 2. hitnoj sjednici Predstavničkog doma Parlamentarne skupštine BiH, održanoj 25. 1. 2023, Zoran Tegeltija imenovan je za ministra finansija i trezora BiH, a Zukan Helez, drugi zamjenik predsjedavajućeg Komisije, imenovan je za ministra odbrane BiH.

Na 3. sjednici Komisije, održanoj 20. 3. 2023, za predsjedavajućeg Komisije izabran je Milorad Kojić, a za drugu zamjenicu predsjedavajućeg izabrana je Ermina Salkičević-Dizdarević.

Članovi Komisije su: Milorad Kojić, Slavko Matić, Ermina Salkičević-Dizdarević, Jasmin Emrić, Darko Babalj, Šemsudin Mehmedović, Šemsudin Dedić, Čedomir Stojanović i Zlatan Begić.

U izvještajnom periodu od 1. 1. do 31. 12. 2023. Komisija je u okviru svoje nadležnosti održala pet sjednica (od 2. do 6. sjednice):

- 2. sjednica Komisije održana je 22. 2. 2023. - prisustvovalo 8 članova, razmatrano 5 tačaka dnevnog reda, sjednica je trajala 60 minuta;
- 3. sjednica Komisije održana je 20. 3. 2023. - prisustvovalo 8 članova, razmatrane 3 tačke dnevnog reda, sjednica je trajala 35 minuta;
- 4. sjednica održana je 6. 6. 2023. - prisustvovalo 6 članova, razmatrano 5 tačaka dnevnog reda, sjednica je trajala 46 minuta;
- 5. sjednica održana je 24. 7. 2023. - prisustvovalo 9 članova, razmatrane 3 tačke dnevnog reda, sjednica je trajala 1 sat i 35 minuta;
- 6. sjednica održana je 21. 8. 2023. - prisustvovalo 9 članova, razmatrano 5 tačaka dnevnog reda, sjednica je trajala 50 minuta.

Na pet održanih sjednica Komisija je razmatrala ukupno 19 tačaka dnevnog reda.

Prosjeck trajanja sjednica Komisije bio je 45 minuta, a prosjek prisustva članova Komisije sjednicama je 8.

Komisija je na osnovu rasprava i analiza usvajala mišljenja, zaključke i davala prijedloge.

## **POGLAVLJE I. AKTIVNOSTI KOMISIJE**

## **Odjeljak A. Zakonodavne aktivnosti**

U izvještajnom periodu Komisija nije razmatrala ni jedan prijedlog zakona.

## **Odjeljak B. Izvještaji o radu drugih institucija iz nadležnosti Komisije, inicijative i drugi akti**

U toku 2023. godine na sjednicama Komisije razmatrani su izvještaji o aktivnostima institucija Bosne i Hercegovine za koje je nadležna ova komisija, i to:

- Godišnji izvještaj iz oblasti poljoprivrede, ishrane i ruralnog razvoja za Bosnu i Hercegovinu za 2020, materijal Ministarstva vanjske trgovine i ekonomskih odnosa BiH, broj: 01,02-28-181/23 od 23. 1. 2023;
- Izvještaj o radu Vijeća ministara BiH za 2021. godinu, u dijelu nadležnosti Komisije za vanjsku trgovinu i carine Predstavničkog doma, broj: 01,02-50-18/-1460/22 od 2. 9. 2022, i to za sljedeće institucije:
  - a) Ministarstvo vanjske trgovine i ekonomskih odnosa BiH,
  - b) Ured za veterinarstvo BiH,
  - c) Upravu BiH za zaštitu zdravlja bilja,
  - d) Ured za harmonizaciju i koordinaciju sistema plaćanja u poljoprivredi, ishrani i ruralnom razvoju BiH,
  - e) Agenciju za sigurnost hrane BiH;
- Godišnji izvještaj iz oblasti poljoprivrede, ishrane i ruralnog razvoja za Bosnu i Hercegovinu za 2021, materijal Ministarstva vanjske trgovine i ekonomskih odnosa BiH, broj: 01,02-28-995/23 od 10. 5. 2023;
- Izvještaj o radu Vijeća ministara BiH za 2022. godinu, u dijelu nadležnosti Komisije za vanjsku trgovinu i carine Predstavničkog doma, broj: 01,02-50-18-1288/23 od 5. 7. 2023, i to za sljedeće institucije:
  - a) Ministarstvo vanjske trgovine i ekonomskih odnosa BiH,
  - b) Ured za veterinarstvo BiH,
  - c) Upravu BiH za zaštitu zdravlja bilja,
  - d) Ured za harmonizaciju i koordinaciju sistema plaćanja u poljoprivredi, ishrani i ruralnom razvoju BiH,
  - e) Agenciju za sigurnost hrane BiH.

Osim izvještaja o radu institucija Bosne i Hercegovine, Komisija je u okviru svoje nadležnosti razmotrila:

- poslaničku inicijativu Saše Magazinovića kojom se zadužuje Vijeće ministara BiH da, u saradnji s Upravom za indirektno oporezivanje BiH, razmotri donošenje izmjene Odluke o uslovima i postupku ostvarivanja prava na oslobođanje od plaćanja uvoznih i izvoznih dažbina („Službeni glasnik BiH“, broj 24/18) kojom bi se u članu 60. stav (4) povećao iznos u okviru kojeg osobe s invaliditetom mogu uvesti putnički automobil uz oslobođanje od plaćanja uvoznih dažbina, broj: 01-50-1-1087/23 od 12. 5. 2023;
- poslaničku inicijativu Darka Babalja kojom se nalaže Ministarstvu vanjske trgovine i ekonomskih odnosa BiH da u roku od 15 dana dostavi Predstavničkom domu informaciju o uvozu svinja na području Semberije u 2023. godini, broj: 01-50-1-1576/23 od 17. 7. 2023.

Komisija je podržala sve navedene poslaničke inicijative i uputila ih Predstavničkom domu Parlamentarne skupštine BiH u daljnju proceduru.

Komisija je u izvještajnom periodu usvojila jedan zaključak.

## **R E Z I M E**

Na osnovu navedenih aktivnosti, može se zaključiti da je Komisije u okviru svojih nadležnosti u potpunosti realizirala zadatke i aktivnosti koje je imala.

**PREDSJEDAVAJUĆI KOMISIJE**  
**Milorad Kojić**